

կայ և անճաշակ արձանագրութիւն մի
ի լեզու լուսիտանացոց, այսպէս:

Acuista sopultado ocorpo de Gabriel
Joannes nacao Armenio de idade LXVIII
an... sonoual iadeceoa XI del anetroa-
nio domino MDCCLXXXII.

որ թարգմանի այսպէս.

Աստ Թաղեալ կայ մարմին Գաբրիէլի
Յովհաննիսեանն հայազին, ի հասակի 68 ա-
մաց, յամի Տեառն 1782:

Կայ ի նմին եկեղեցւոյ և տապանա-
քար մի Հայ, Լատին և Յոյն արձանա-
գրութեամբ, ննջեցեալն գոլով ազգաւ Յոյն
և դաւանութեամբ կաթոլիկ:

Լատին տապանագիրն է այսպէս.

Hic jacet Georgius Johannis Drascoc-
la nationis Graecus ex Philippopole.
Anno Domini MDCCXXVIII die XX
Augusti.

Իսկ Հայ արձանագրութիւնն է ըստ օրի
նակիս ըստ այսմիկ.

Այս է տապանա Յովանիսի որդի Զօռչի-
նին Դրասկօղլու Ֆիլիպօղլի, Թիվն ՌէճիԸ,
ՕԳՈՍՏՈՍԻ Ի.

Այլ թէ ընդէր տեսանի և Հայ արձա-
նագրութիւն ի վերայ տապանաքարի օտար
ննջեցելոյն, կարելի է թէ կին նորա և կամ
կտակակատարն լեալ իցեն յազգէս Հայոց,
զի զայնու ժամանակաւ սակաւաթիւ Յոյն
բնակիչք քաղաքիս ունէին սերտ յարա-
բերութիւն ընդ Հայս, յիստուրեւառու-
թեան, որովհետեւ Հայք էին առաջնակարգ
վաճառականք ի քաղաքիս մեծի և Յոյնք
վարէին զտուրեւառ իւրեանց հզօր աջակ-
ցութեամբ նոցին:

Կայ ի նմին եկեղեցւոյ և շիրիմ մի
այլ Յոյն կաթօլիկ ննջեցելոյ՝ Նիկօլա
Քրիստիանիտզա անուն, ծնեալ ի Թրան-
սիլվանիա և վախճանեալ ի Կալկաթա
յ'17 Օգոստոսին, 1713 ամին, ի հասա-
կի 37 ամաց անկեղծ հաւատով յԱստուած
և ուղիղ ի գործառնութիւնս ընդ մարդ-
կան — vir sinceræ fidei Deum et in


homines», ըստ լատին արձանագրու-
թեանն: Հնագոյն շիրիմն յայդմիկ եկե-
ղեցւոյ կրէ զթուականն 1712 և է ի յի-
շատակ երկոտասանամեայ դատեր ուրումն
Եղվարդայ Տէնգի, որոյ բարեպաշտօն կին,
Մարիա Տէնջ, կառոյց զնախկին եկեղե-
ցին յամին 1700, որպէս յիշատակեալ
եմ արդէն յսկզբան գրութեանս:

Հրատարակելով աստ զՀայ տապանա-
գիրսն, որք ցարդ անձանթ մնացեալ էին,
նպատակ իմ լեալ է նախ փրկել զայնս
ի մոռացութենէ, զի ոչ որ ի հնոց և ի
նորոց գիտէր զգոյութենէ նոցին, և յետոյ
ի լոյս ածել զանուանս երկու ազգային
բարեբարացն, զի Յովսէփ և Զաքարիա
Շահրիմանեանք, որք ննջեցին զնինջն յա-
ւիտենից աստ ի Կալկաթա ամին 1763
և 1764, (տեսանել զթիւս 9 և 10 ար-
ձանագրութեանցն) էին ոսկեծեռն Մեկե-
նասք տպագրութեան Զամհեանի եռահա-
տոր «Պատմութեանն Հայոց», ի ճակատի
որոց տեսանին անուանք անմահ բարե-
բարացն յիշատակեալք այսպէս.

«Ծախիւք բարեպաշտօն և քաջատոհմիկ
Շահրիմանեանց երկուց եղբարոց հարազա-
տաց՝ Բարադամեան Պարոն Յովսէփին և
Պարոն Զաքարին»:

Որպէս զրէի երբեմն՝ «եթէ լաւ և եր-
ջանկայիշատակ հայրենակիցք իմ պայա-
զատ Շահրիմանեանք չէին Մեկենասք
հանդիսացեալ տպագրութեան հսկայ և
բազմաքիւրտն աշխատութեան բարեյիշա-
տակ Զամհեան Հօր, այսօր չկարէաք մեք
պարծել ճոխ և մանրապատում ազգային
Պատմութեամբ՝ յերիս մեծ հատորս»:
(Տեսանել էջ Թ, «Պատմութեան Հին Հայ
Տարագին» Հայր Վարդան Հացունոյ տը-
պագրեալ ի Վենետիկ, յամին 1924):

Հնութեանց հոյակապ Հնդկահայոց հա-
մեստ հետախոյզ՝


Հրանտ Բազախոյզ

ի Կալկաթայ չմոկաց
ի 14 Յունուարիմ, 1938.